

猗氏縣志

乾

重修猗氏縣志序

丙申仲夏余自虞量移平陽郡丞拜

命後屬州邑例送輿圖志書以便攷其山川
察其形勢風俗之所尚人情之所宜隨地
設施因人發政襄盛治也而猗氏獨無有
移取之令復志板燬於康熙丁丑歲惟某
紳家尚存一帙什襲藏之將以守先待後
誠深思遠慮者也越明年七月余攝猗篆
序
假志覽之迺知猗志輯於正德間萬厯壬
子續修逮我

朝康熙癸丑邑先達太史衛君廉使王君大
參郭君復增修之因語其鄉士大夫曰志
者紀也千百世以上之人之心不可得而
見閱諸紀載而其人其志如在目前故忠
臣之志在於事君而常變弗渝孝子之志
在於事親而死生一致廉吏之志潔如春

泉仁者之志溫如朝靄昆弟之志則惡難
歌脊令友朋之志則同聲咏伐木或行其
志於廟廊或堅其志於廡下或樂其志於
雷澤有莘或尚其志於高山流水成都一
簾志也洞庭千樹亦志也設一旦失傳為
之子若孫者漫無攷據不幾抱怨恫於中
心乎且自康熙十二年修輯以來迄今已
四十餘年豈無忠孝節烈可嗣徽音而昭

序

二

來許者亦當采而入也願亟圖之於是鄉
大夫咸稱善遂立館設局分門別類而屬
吾友總其成規模一遵往哲凡前人論列
仍繫於各條目之後其人物諸賢小論仍
附本傳戶口田賦務綜覈精確雖費搜尋
可令人一覽而悉窳詳無畧窳慎無濫彌
月以來大綱節目粗具復會紳士於學校
互相叅正訛者改之遺者增之信者存之

疑者闕之其所收皆秉公舉察無一私徇
瀾茗敲冰呵凍炙硯者又一月而告竣余
首捐金募役亟付棗梨半資紳士協力報
成今猗幸有完書而余曩者之志始遂矣
夫在邑為政在心為志猗人有猗人之志
我有我之政若不取其不絕如縷者而意
成之以發其千百世以上之潛德幽光將
何以為世之法程哉雖然余亦裝潢焉已

序

三

耳士貴自樹立不待文王後興世固有建
非常之事業著絕代之文章振敝起衰以
傳諸千百世之下者非斯人也歟吾則深
有望於有志之君子故弁數言於首
康熙五十六年歲次丁酉孟冬之吉

誥授奉政大夫同知平陽府事兼攝猗氏縣

印務濟寧潘鋹清聞氏撰



重修縣志序

國家之傳信莫如史郡邑之傳信莫如志而志與史實則互相表裏者也故郡邑不可一日無志猶之國家不可一日無史我

皇清一統志自康熙壬子纂修以後垂六十年中間休養生息戶口繁滋物產豐

猗氏縣志

序

一

碩人文蔚興禮樂明脩所宜增益者多矣

今上龍飛之七年復

勅十五國徵文考獻彙纂通志以昭車書一統之盛隨蒙各 憲臺檄行郡縣接古續今各成志書以脩採集猗雖彈丸黑子之地然爲河東要區三晉巖邑山

川靈秀人物權竒掌故可不脩歟昔歲
丁酉署邑事平陽司馬濟寧潘公嘗踵
舊志集名儒而編輯之適以事去官書
未克就余承乏茲土因糾集紳士理其
遺緒考訂舛訛并取丁酉以來十三年
之事附益於後凡五閱月而後成書書
成余讀之而歎曰甚矣作志之難也蓋

地係桑梓則褒美或失之濫且誣人不
士著則見聞未必其詳且確况年逾甲
子則卷宗之散佚不少父老之傳聞無
多有一於此非繁則漏斯志兼而有之
欲其簡而能該詳而能要豈不憂憂乎
難哉夫志揚善隱惡雖與史之善惡並
紀明法戒示勸懲者異體然歷世之典

章一方之士俗備。因革以著朝代坊里以正經界學校以育人材郵政以捍災患賦役定而里胥不擾兵防修而萑苻不驚官師有表則治人得循蹟有紀則治法傳戶口之登耗不常宜用滋培風俗之貞淫不一宜用倡導觀形勝而知險阨察古蹟而識興廢紀選舉以勵

絃誦溯人物以志景仰城郭增之而日崇河渠濬之而日深孝子節婦紀不絕書山川鬼神禮無乏祀其間利何以興害何以除俗何以厚政何以成披文覽籍法古籌今可以不下堂而境內治方今各憲臨莅茲土度式金玉操凜冰霜上體

天子一道同風之意下廛窮簷饑溺由已
之憂修舉廢墜禁止惰窳風氣蒸蒸日上
上余濫竽一令亦惟白水盟心以期青
山無愧步 諸大君子之芳塵然自顧
駑鈍惴惴焉每懼其不逮而此志之修
也惟是損益前書編綴近事偕二三同
人樂觀厥成而已若夫黜浮崇雅賡颺

休風以俟後之君子則余豈敢肯

雍正七年歲次己酉仲秋上澣之吉

賜進士出身知猗氏縣事文登宋之樹

譔



續修猗志引言

按猗志重修於

國朝康熙十二年歷時未久星野山川如故建置沿革無多古蹟今制前志考訂頗詳即偶缺畧彈丸黑子之地邑乘外無憑搜羅惟是官師選舉人物藝文迭興踵事不可無續紀以俟將來至於賦額之稍有增減學廟之隨時修葺摩碑檢冊徵信乃書唯求耳目之真弗侈鋪張之麗寧蹈不文罔敢失實自康熙十三年甲寅至四十六年丁亥起訖凡三十四年


康熙四十七年歲次戊子

猗氏縣志

引言

一

勅授文林郎浙江臨安縣知縣致仕己酉解元邑人郭九會撰



右先君子續邑乘引言也康熙戊子夏平陽太守 劉公重修郡乘郡之鄉先生六人與焉先君子其一也先是 劉公檄行屬邑各續新志以資彙考於時猗猶平陽隸也邑侯崑山葉公謀之邑先達諸公而大叅晉溪喬先生以其事推讓於先君子先君子誼不獲辭爰自

癸丑至甲寅三十四年之事覈實徵信彙成一冊上之太守乃郡有成書而邑志則未付梓也越十年郡司馬濟寧 潘公來攝邑篆慨舊志之燬於火毅然謀所以纂修之得先君子所哀集者遂逐項分麗舊志之後而以近事附益之公不以愚之蕪陋亦俾與讐校焉書成將壽之木而公適去官事遂中輟迨雍正甲辰邑父母文登 宋公下車修廢舉墜百務畢興邑志一事屢謀增輯而勤於初政未逮也越己酉春

詔修一統志 臺使者檄郡邑各上其書公乃理潘公之遺緒糾集紳士叅互考訂芟其繁蕪正其舛譌而至於

猗氏縣志

引言

一一

丁酉以後尤加詳慎乘退食之暇殫奉公之勤秉公持平博採約取惟恐遺美收類務期去贗存真凡五閱月而告竣事愚亦幸從諸君子後樂觀厥成故爲詳其顛末而附記於先君子引言之後以見斯志創始踵事遞更數手星移紀踰多歷年所需時而成良非易易也郭爲觀識

猗氏縣志舊序

吾邑在周爲郇國至秦猗氏割封遂稱猗頓國朝置縣因命曰猗氏云東峙姑射南拱中條西連蒲坂北障孤山亦河東浩穰之區也正德間曾輯志志其概歷年久殘缺荒穢舛譌無徵不佞每私竊慨之先是丁未里居時嘗愆戾前明府盤陰馬公舉其事乃殺青未竟而去繼自今明府馬公來蒞茲土起敕維風三年化成慨然於此典之不可終缺也公餘購得原本復邀諸孝廉文學正其亥豕次其錯謬缺者補之茸者芟之叅互考訂衷以己意凡得若干卷付之剞劂氏越三月而竣役因徵不佞言弁簡首不佞

猗氏縣志

舊序

一

盖深有感於明府之嘉惠吾邑至渥也夫志識也古史之流也權輿於禹貢及周禮職方而班孟堅因之作漢地理志其後則代各有書而郡與邑又各自有紀乘凡以志夫山川土地人才物產戶口風俗志之一時俾傳之永世觀風者有以稽盛衰秉政者有以酌輕重感時憂事者又有以洞隆替之原而施補救之術非浮文虛夸無裨於人心世道者比也昔堯都平陽遺化不泯故三晉之民勤儉質朴憂深思遠有陶唐氏之風焉吾猗在唐畿內被化尤深其人文事業亦復不減諸名郡邑然而有識之士猶不能不爲今昔之感則何也盖昔以出作入息狃狃蓁蓁而今

且有耽佚忘本者矣昔以污樽抔飲殷殷屯屯而今且有侈靡廢業者矣昔以尊尊親親恭敬卑讓而今且小加大少凌長賤妨貴者亦徃徃有之疆土不殊而舉目有淳漓之異則人心之一大變也倘覽茲志者穆然深惟昔何以淳今何以漓昔何以由淳而之漓今何以返漓而之淳樂只君子挽回於上鄉士大夫暨父老子弟相與觀化於下以度幾不失古陶唐之遺風則茲志不朽明府之澤被吾猗亦且不朽豈不誠盛事也歟哉明府善政善教藉甚口碑後必有史官書之茲不具論特論其所以修志者如此是爲序萬曆癸丑賜進士第加正二品俸巡撫甘肅等處

猗氏縣志

舊序

一一

地方釐理軍務都察院右僉都御史邑人荊州俊譔

山人曰孟堅作地理志而方輿網羅畢弋則志爲古今重尚矣余自束髮咨嗟吾猗無志未嘗不翹望於邑之賢大夫正德間雖有纂集而靈蛇未握故冊且脫落不存今冲宇馬明府慨然有輯捐俸而銳爲之三閱月而告成不佞數十年之繫思一旦躬逢廢舉缺修非厚幸哉猗之失載皆易歲踰歲易紀踰歲之仍紀之迭遞相因而編錄泯泯者百餘年矣地產之章器槩之枚若兌若斡若齒若藝剛柔風氣習尚轉移詎今昔之能一乎非志何從識繁索識盛衰識淳漓也故志之未舉徃喆之軌非不耳也史之所

耀非不目也耳者谷境而目者他書穆穆已耳志一輯其收之也以蒐乎其躅其蒐之也以匯乎其躅辟之珠玉在櫃矣古蹟之遺鄉也誰爲尋求攷核既明射覆摹疑悉可弗事緹帙披理當不苦於高標之神會焉續鳧脛反以憂斷鶴脛適以悲非所續非所斷雖宜之異乎然古有治於今以爲少戾今有治於古以爲不逮鑄古爲今變今返古悉於是志之稽得之則侯之爲是編也其益於猗稱洪注矣或曰是編成而垂之異世不易誠哉是言也夫侯勗之以慎訂之以確謀於鈔故詣極也滌於新故改觀也寧垂世之不永耶侯悉借手於孝廉諸生謙遜而不自居於裁

猗氏縣志

舊序

二二

定孝廉諸生壹稟侯之指侯不得謙遜其不自裁定竟本侯意以善其成亦善治埴善治木者方圓曲直之各中矣不合於桑林之舞乎余役於王事有年未見出己俸爲地方脩廢舉墜者有之侯之外無再也侯持冰檠之操仁慈愛民又成此大典則余束髮所致思於邑之賢大夫若有待於今日真不孤數十年之翹望哉萬曆癸丑大中大夫原任貴州布政使司叅知政事邑人衛廉譔

不佞自蒙上體恤陟岵於山中終鍾釜雖無何而衽風木未嘗不念邑之無志輒喟然曰惜哉侘傺乎安得是缺之補也茲冲宇馬明府銳意圖輯書成以觀不佞不佞披

理全編又喟然曰美哉喪喪乎抑何廢脩墜舉於一旦也夫氣運之流地脈之靈有萃有散地靈即爲氣運氣運發之地靈而萃散乘之猗自武宗以來歷世宗穆宗今上百有餘年其間循吏齊驅東阿單父者趾相逮也士列覽書燒尾翊贊聖治勵於羔羊業纍纍起其瓌異竒行見之振纓鳴玉出之農甿嬪孺卷阿之標里巷之風童溪舟翠之麗樞粉兔鼠之秀淺闢庸種之業力子白徒之自古先賢哲遺跡隱顯悉屬之澶漫也孰從而蒐之羅之即有叩焉徒心注於摹神游於谷非氣運之弗萃地靈之有散乎今吾侯馬公當政成之日拳拳是志其言曰猗之失載也彼

猗氏縣志

舊序

四

且事因循吾亦與之爲事因循彼且卻拮据吾亦與之爲卻拮据則志猗竭至哉剗劂既就侯又有言曰吾爲猗四禩自多其爲此之益於地方即移而以予吾瑯琊鄉君子曰此吾之所以爲猗也可無愧所職矣嗟乎是言也固侯之自信實與人信侯之自信者耳然邑之不可無志與國之不可無史埒侯慷慨任事俾猗有志而埒之史斯地靈吐符氣運之萃也易曰萃聚也觀其所聚而天地萬物之情可見是風氣萃而弗散則侯續盛保盛之政不大有造乎猗耶不佞兩叨爲令得竊覩他令之賢其竭慮抒精於治有之至出懸魚之俸以業其官其人鮮也侯始籌所費

或援鄰例臬省會脩通志例開之謂需之徭金爲適宜侯
曰徭出之民而吾需之是以猗志猗不以我志猗也惟錙
銖不以猗吾始栩栩志得也嗟乎會稽九真侯豈少遜哉
猗之氣運既繇侯義舉以萃弗散不佞山中雖衽風木當
灑練一抒僂焉萬厯癸丑賜同進士出身大理寺左寺左
評事邑人王國瑚譔

國家建置郡邑各有人物山川則有野史圖載志書所從
來矣吾邑古稱猗頓郇伯肇封咫尺堯天希光舜日分隸
晉邦亦仕國也縣志年遠編殘莫可稽考迨丁未夏通省
脩志檄郡邑時邑侯盤陰馬公敦請孝廉某諸生某分曹

猗氏縣志

舊序

五

授簡有成帙矣會侯左遷未付剗劂猶然吾邑一欠事比
瑯琊馬侯至因詢縣志稱烏有大爲嘆息一日檢前帙移
書於予加潤色予念是集久已屬稿固不敢徼他人九仞
之功而掠其美亦不敢惜自己一臂之力而不贊其成即
復書以情對侯於是治具延諸公補其脫漏又爲之捐俸
資工作凡三閱月報成事而問序於余余方讀禮家居兼
以不事筆研念志書紀載詳且盡即碌碌因人焉用文之
已復念邑之有志即國之有史家之有譜不譜之家無統
不史之國何徵故三代以來家有譜國有史俾後之人觀
前脩而思兢勸吾猗號通衢稱疲瘠東有宏芝西有樊橋

往來迎送不乏夫馬鞭扑少寬若管支若行戶先期給價
不減分毫侯之潔己愛民無愧青天白日凡有血氣誰無
良心獨錢糧一節各衙之催徵如故小民之完納不前此
何以說無乃倉口分則經催溷而一時未能卒辦乎別處按季
邑分抑或坡地多則荒蕪易而大家互相影射乎義嶺以此坡地
多而詭寄而別名而綽收而侵欺而借貸而分派而假領
而扣歷凡此追呼之梗因循不止一朝總之草歷一本爲
弊藪花歷二字滋躲閃淺言之則衆楚易淆深言之則更
僕難悉事則縣事人皆吾人口將語而舌躑筆欲投而指
動無已則本名之下其度乎夫曰本名趙錢姓氏便於查也

猗氏縣志

舊序

六

曰本名之下地糧數目不難曉也地多糧多地少糧少計
畝均派按日定限誰封誰欠何姓何名捱里順甲一覽昭
然懲一儆百自有鑒裁喚李呼張寧假開報一切里長老
人戶頭店主與夫常行十排等項應存者存應汰者汰省
事節費杜擾息爭催科中當有撫字良規賢父母不爲逋
負受累則區區芹曝之忠或亦韋絃之一助云萬歷癸丑
邑人喬應甲譔

夫志一史也周禮建史官而志之文出內史外史繇之故
昔天子有國史侯國有外史今我明以一統志籥乎大哉
若省若郡之各有志即古侯國外史之遺至邑之有志尤

根據國史外史鎔而成章者也邑無志無以載一同非吏務矣歲庚戌余謁選爲令於格得猗余尚未履猗也念於山右籍未覩猗書或訐之曰是豈文獻不足之國也耶既視事詢所以紀猗者烏有也謂正德間有所輯歲且百故冊多不存頃丁未夏諸臺檄通省郡邑脩志前令盤陰馬君受牒摩研殺青未就盤陰歸中輟焉即盤陰所藁具盡致上官未留筭一字逮癸丑歲幸於他所見原本一部急購之而復舉剗削之念益勃勃不可已迺遍謀之薦紳之在里者集孝廉若而人諸生若而人洵所群聚取初纂增減之得十卷鳩工省試日惟孜孜昉於中秋竣以小春九

猗氏縣志

舊序

七

三閱月而成不佞縱觀之盖有以歎也夫一排纘也不成之盤陰而成之不佞繫非數也與郇雖河東彈丸自西伯封子代爲名區山水之躔異卉樹之畏佳視隘陋囂塵不埒也土醮於鄉掄於廷接踵比肩鞭弭自倍爲黃鐘爲大呂視箏鳴缶韻不埒也文章之摹芳縟采掀雷扶電入而醉墨出而懷鉛視無根核之言不埒也且不佞待罪垂四禩土俗民情自侈頗習唱于唱喁獨不見之小和之大和平民之易於治視蠢蠢縵縵又不埒也以是域而泯焉無紀非地負人人負地矣不佞職專是牧責將誰諉其以慕史失史而不爲史不若著史以有史也思有志而憚不能

志不若倣志繕志以獲志之益也竊史之義以構志之文不佞聊希中音得母追責乎矧諸子本乎匠心竭才而出之其稽考則恢矣駘蕩之圃也其敷藻則南都石黛之雅也其體製則包竹元林之觀也其函帙則丹水藍田之比也詎忝於史哉天下未始不因志重地因地重人志也史也取重多耳僅僅知形勝知風俗知戶口知賦役之爲云乎是舉也費出稱艱民間大祲無年不佞爲紓彫糶未遑寧需之別途惟自捐薄俸兩季即錙銖不以煩之邑客曰吾子拮据克成其賢於興廢補缺之政矣不佞爽然自失然以余之謏劣得徼惠諸君子俾猗有志倘列外史以佐

猗氏縣志

舊序

八

國史令異日無文獻不足之歎則幸矣豈曰能賢萬曆癸丑知猗氏縣事瑯琊馬孔昭譔

志識也史之屬也禹貢周官而下列國各有司存春秋在魯晉乘先之春秋獸以魯著則仲尼之志在耳史以文勝而仲尼舍文取義義以章志志以貞教故前可作而後足述焉猗故文武肇封聖謨爨訓布在方策識大識小存乎其人神而明之安見郇瑕不化爲鄒魯耶正德間邑嘗輯志萬曆壬子續脩之逮今

皇清壬子逾六十載霄艾斯土者烏奕後先率視爲蘧廬故紙而不加之意我侯陳公新劓煥發治具畢張尤興廢爲

孳孳將討圖籍以釐正之會部院檄下諸長吏述厥職以質成 天府而前壬子之志殘缺未易補綴必草創焉侯乃揖鄉士大夫而謀曰燕工函粵工鑄習者良也余不敏初筮文獻之邦風土未諳而研削舊章違所習矣典型在望幸二三君子明教之諸紳遜謝侯固請諸紳退而擬議以愚僭一日之長遂謬相推輓以復於侯侯從衆授簡焉顧愚頹齡薄殖烏能愉快勝任哉惟時大叅郭君崑公以定省式閭太史衛君伯嚴以休沐就舍皆人望也愚亟請於侯曰漢簡非私家之說夏屋必鄧林之材君侯成命僕無所逃綆短汲深願得郭衛二君提挈之侯既軾廬敦

猗氏縣志

舊序

九

趣更延校師文學以廣咨諏休哉得人具矣集思旁綜歷寒暨暑事無鉅細決策壹稟於侯而侯終不以長人自用愚亦得藉諸君之力以告成且因致慨於載筆之難也夫志者將考衷垂鑒也得其人則傳信非其人則遺穢故君子搯觚廩廩不啻臨深履薄誠以一日易欺千秋難恕莠言弗治將隳生平以狗之可不慎歟善乎漢荀悅之言曰立典有五志一曰達道義二曰昭法式三曰通今古四曰著功勳五曰表賢能時論以爲復古春秋記事之體則其志有所不苟焉爾是編也發凡舉例準於史表年首事祖於經摛羅廣矣而繁蕪必芟肴覈嚴矣而闕漏必補或撫

今以追昔則汗隆互見或隱惡而揚善則觀感相深雖匹夫之假權猶先民之直道布之棗梨庶不淪爲杞宋哉而或疑舊志華而今也樸舊志略而今也詳何文質損益之懸殊乎愚曰志由事集事因時起語云時至則百志成其或繼此者行化裁以會典要則時異而志同愚且虛左俟之矣康熙癸丑辛未進士河南等處提刑按察使司按察使前吏部文選清吏司郎中協理兵部督捕堂事太僕寺少卿邑人王含光譔

文中子有言昔之史也辨道今之史也耀文旨哉言也春秋一書爲聖人傳心之要法其言與易象相表裏後之知

猗氏縣志

舊序

十

此義者蓋亦鮮矣記煩志寡遷固已不能無遺譏至陳壽依違魏事魏收規利修郤其是非毀譽更爲踈盪失古夫以國史之重詔脩之嚴而秉公論豎特識者猶不可多得况凡郡邑之志主脩者或不能重其事分脩者或不知嚴其義徃徃集陽鱗之猥儒恣雌黃之多口其於政教典禮風俗人材之大要則不能詳考其源流盛衰公言其升降得失而所鋪張紀載迺徒在山川臺榭之美詩文之富亦安望其良比董狐直如孫盛有當於古小史外史之意哉吾猗舊志自明萬厯壬子迄今六十年未脩豈曰無人盖慎之也今邑侯陳公爲治之三月奉

詔脩一統志檄郡縣各以志上達於是銳志脩舉禮延鄉士大夫設局分纂而公復以簿書之暇親爲考訂凡八閱月而剗刷告畢余不敏藉手邑侯之力日從廉使王公大叅郭公之後發篋載筆叅校前志凡所遺而未収或収而失實與所淆而未析或析而無當者槩從釐正至鼎革以來文物半成炮燼故老幸未凋零於是勤肆筆於几牘徧著紙於溷籬信者必傳疑則闕焉諸若職方有紀以辨廣輪之數營建有紀以著規制之詳經制有紀以定財用之式藝文有紀以彰華國之業皆因舊名而增其闕漏刪其蕪穢已不無異同於其際至於紀典禮以思移風易俗則

倣古禮書樂書而爲之者也表官師表選舉以及封蔭異途俱列榮名則倣古年表世表而爲之者也傳名宦傳人物傳列女而忠孝隱逸之倫又各分附傳後則倣古列傳分合之體而爲之者也而且逸事叢談亦得彙於篇末異端襍術不以亂夫正經此皆剗之維新裁之以義而不復襲舊志之例者也而余所尤惓惓者則經制紀中明末加徵地畝九釐銀至今未蒙請蠲人物傳中孫達王璽劉以平馮守禮四先生至今未議崇祀二事實閔養教之切務所日望當事者之力舉也夫載筆而論者治法也作而行之存乎治人古之言作室者云規材授職主人任也程功

奏能工師責也夫既以授之矣率作興事不愆於素其在所司哉其在所司哉康熙癸丑

賜進士出身巡撫貴州等處地方都察院右副都御史前順天府府尹山東承宣布政使司布政使內翰林院檢討邑人衛既齊撰

邑之有志由來舊矣歲壬子夏魁謁選猗令單車就道將詣境得覽猗志中多殘缺失次以是慨屢經兵燹之後不能保其全也粵稽猗志前無所考逮正德間有所輯嗣萬曆丁未前令盤陰馬君受諸臺牒編摩殺青未就中輟閱癸丑瑯琊馬君視事復舉搜遺藁而纂集之迄今蓋六十

猗氏縣志

舊序

十二

年天道於此而一周人事於此而一變豈非運數之使然耶雖然時異世殊其間山川土田人民風俗不無滄桑之變宰是邑者即催科罔暇安忍聽其殘缺失次而不爲之所也適壬子孟秋大學士曲沃衛公疏奏各省通誌爲一代文獻至今尚未編脩甚屬缺典其奚以上佐

聖天子右文之治通行天下隨奉諸上臺檄俾各府州縣接古續今纂輯成書彙爲

太清一統誌恭進

睿覽敢不惴惴奉令惟謹但魁賦姿淺陋學識粗疎欲舉昔之殘缺失次者而全之力有未能然欲舉昔之殘缺失次

而全之之念又勃勃而不容已乃謀諸憲使王公大叅郭公詞林衛公三縉紳先生而不然釐定之志始堅於是蠲薄俸以先之而邑之紳士咸與相助以有成其昔之殘缺失次者度可獲睹其全至若戶口丁徭地畝賦稅悉遵本朝以爲則諸凡科名耆壽忠孝廉節舊無所遺新有所益要皆折衷於公論而後定竝非敢以私意爲去取也如芟繁就簡稽實敷華三縉紳先生之功也魁何敢襲而居之紀其事昉於壬子之冬竣於癸丑之秋溯厥馬君纂集之日洵六十年於茲所謂天道之一周人事之一變不於此而信然乎嗟嗟文獻之斑斑足考者猗之志也今而後可

猗氏縣志

舊序

十三

無殘缺失次之嘆矣然魁誠淺陋者也粗疎者也不過序其始末而記之又焉用文哉康熙癸丑知猗氏縣事寶婺陳一魁譔

九例

一 猗志大綱節目前賢亦甚精詳但都會郡邑各有體裁或從畧或從詳無所用其新奇此定則也志中諸目只可盡名之爲志不可分之爲列傳爲年表爲世家蓋太史公作史記自五帝至於秦漢乃法孔子作春秋行天子之事邑今雖等古諸侯然畢竟邑焉已耳躡而上之則僭矣敢云乎哉故條例悉從定體而較省郡加詳焉

一 星文乃璿璣定數下合地理分野建侯封國躔紀攸歸故曰實沈之墟晉人是居此三才之常非一時之

猗氏縣志

九例

一

變祥異兵氛自應別紀以爲恐懼修省者戒

一 今日猗氏疆域非昔郇瑕之舊矣地當平行并無山川然總其大勢廣覽遐馭羨哉三晉河山猶在也故仍冠以山川而形勝附之

一 祠祀自山川壇壝及有德澤於民者皆臚列焉崇正祀也外此俱載入寺觀不敢附於祠祀以惑民志

一 戶口以康熙五十一年編審田賦以雍正七年歸併開懇爲定則屯丁屯田更名田雜稅鹽政附焉只要總撒相符蓋今日各項名色俱入條編盡歸戶部遵

聖王之制無所用其煩瑣矣

一 猗頓本魯人而遷郟國雖務魚鹽之業亦賢者也不然何至邑以人傳故特增入流寓

一 陳適孺荆宏祚張中斗錚錚鐵骨至性至情俱可千古宜人孝義似不必另設遺行一科

一 張汝霖宜人方技其學問淵博亦思邈流也邦有異人邦之光矣何可忽乎

一 茲志雖曰增修實存舊則凡藝文有關名教風化者盡存之若魯魚亥豕則考正之疑則闕焉其人物列女俱照新修府志或緣公舉增入無溢詞無遺行寧嚴毋濫挂一漏萬之誚不敢不任其責矣

一 邑志之有藝文非載道之書可比故性理之學先儒各有著述已自載文集中且又與大人長楊三都兩京詞賦不同以其非含英咀華體也一概不入邑志所志者皆一邑之人事或關政教或關風俗或詠山川或條陳地方利弊有裨桑梓其人其事其文足以垂遠則錄之若騷人逸士非留題古蹟憑弔前賢雖聲調高華力追正始而題非我邑之題景非我邑之景例亦不收蓋美不勝收也

纂修縣志姓氏

纂輯

同知平陽府事 潘 鋹 清聞貢士山東濟寧人

校訂

原任猗氏縣知縣夏御乾 乘六貢士直隸豐潤人

重輯

知猗氏縣事 宋之樹 鶴千乙未進士山東文登人

編次

邑人 何世勳 柱峯辛卯舉人

邑人 衛士樞 道輔丙戌進士陵縣知縣

猗氏縣志

姓氏

一

邑人 喬雲閣 圖功癸卯舉人

邑人 張 彤 賜一戊戌歲貢

邑人 令狐言東 二周庚子舉人

邑人 衛 訥 吉詞運司廩生

邑人 郭為觀 叔瞻丙午舉人

邑人 陳佃儀 淇瞻甲辰舉人

原編

黃海 吳啓元 青霞

山陰 高紹烈 翊皇

猗氏縣志目錄

卷一

圖考

星野

沿革

疆域

城池

坊鄉都堡

公署

學校

典禮

祠祀

橋梁

卷二

戶口

田賦

土產

風俗

郵傳

兵防

郵政

猗氏縣志

目錄

一

卷三

職官

循績

卷四

選舉

封廕

卷五

人物

忠烈

附武功

孝義

隱逸

方技

耆壽

卷六

列女

流寓

古蹟

邱墓

寺觀

仙釋

祥異

雜志

卷七

藝文上

卷八

藝文下

猗氏縣志

目錄

二

猗氏縣志卷之一

同知平陽府事濟寧潘鏃纂輯

知猗氏縣事文登宋之樹重輯

圖考


古者天子臨軒左圖右史是圖者史之先也故邑志例得先畫圖考使四境之延袤廣狹山川形勢可一覽而盡而城池公署衢巷坊廂瞭然在目職斯土者躋堂布令權其本末輕重之宜而次第行之蓋其慎也從政者敬之哉

猗氏縣志

卷之一 圖

一






猗氏縣志

卷之一 圖


三



猗氏縣志

卷之一

四



史曰畢主邊兵戈鐵明大
 別遠人來朝五車主五穀
 豐耗參為白獸之體應七
 將下三星銳曰伐為斬艾
 事小三星隅置曰鬻鷄為
 虎首主祿放事南四星曰
 厠廟下一星曰矢黃則吉
 東大星曰狼狼角緩色多
 盜賊下九星曰弧直狼狼
 北地有大星曰南極老人
 老人見治安不見兵起東
 井主水衡事法令所取平
 也其西曲星曰鉞鉞北北
 河南南河兩河天關開為
 閼梁四瀆江淮河濟之精
 也丈人主壽考子孫侍丈
 人側不見為灾甘氏曰參
 為忠良孝謹之子明則臣
 忠子孝張衡云王者用法
 平則井明而綿

猗氏縣志卷之一

星野

聖王御天下首重治厯明時唐虞以璿璣玉衡齊七政所以敬天也天體渾淪健行不息而諸曜列宿如輪旋轉其所經歷未必止于中夏豈流沙以西若木以東南海北海之外遂無所謂躔次乎故凌犯疾遲有驗有不然君子惟恐懼修省朝夕乾乾而天官之書分野之說皆存而不論可也

春秋傳曰參爲晉星實沈參神也周禮保章氏注曰實沈晉也太史公曰晉之疆候在辰星占于參罰漢志魏

猗氏縣志

卷之一

五

地觜觿參之分野也唐志觜觿參伐實沈也初畢十度餘八百四十一秒四之一中參七度終東井十一度自漢之河東及上黨太原盡西河之地古晉魏虞唐耿楊霍冀黎郇其地上應天闕南曲之陰在晉地衆山之陽南曲之陽在秦地衆山之陰陰陽之氣并故與東井通河東永樂芮城河北縣及河曲豐勝夏州皆東井之分參伐爲戎索爲武政當河東盡大夏之墟上黨次居下流與趙魏接爲觜觿之分

又按史記云昂畢冀州觜觿參益州柳七星張三河晉志

因之謂河東入張一度爲鶉火之次其說與前異

論曰陸子淵嘗言分野之說難據謂以天之一度當

地之二千九百餘里則蓋載之形歆今按晉分冀參秦益之分井鬼歷有成說或以冀參屬益州是益與冀同一分野抑何地濶而天狹耶至柳星張三河周分也而謂河東入張一度則又疑其以晉地爲鶉火之次而古州鳩董因等所占驗將何以準焉

州鳩曰晉主卽

位歲在實沈董因曰實沈之墟晉人是居茲故摭採史傳取其相傳久而

有明徵者以河東實沈之次爲正吾猗古郇國也占在參伐舊志云當參十度上爲日月五星中道其亦有所據矣

猗氏縣志卷之一

沿革

古者建侯封國以親親尊賢報有功尊有德其地犬牙相錯強弱相制凡以屏藩王室也秦置郡縣封建遂廢漢唐以後因革靡常或分或合雖世代之殊亦因時觀勢則然耳如我郇伯固文王之子也而後邑以猗頓名豈黍苗陰雨不及一魯人哉何為相傳至今也然邑俗重農積粟而不貴貨殖則流風豈因名稱為轉移哉

猗氏縣

唐虞夏商

皆為甸服

周

為郇國

春秋

屬晉

戰國

屬魏

秦

置猗氏縣

屬河東郡

漢

因之

三國

屬魏

晉

因之

南北朝

元魏復為猗氏縣屬汾陰郡

猗氏縣志

卷之一

七

隋

屬蒲州自故城徙今治處

唐

屬河中府

五代宋金

仍舊

元

以萬泉併

明

隸平

陽州府 我

皇清因之編戶

舊分五十一里今二十七坊里

考猗邑本禹貢冀州之域其在唐虞夏商皆為甸服在周為郇伯國郇伯文王第十五子也為州伯治諸侯有功故春秋傳曰畢原酆郇文之昭也詩曰四國有王郇伯勞之魯僖公二十四年秦伯使公子絳如晉師軍於郇辛丑狐偃及秦晉之大夫盟于郇春秋之末猗頓大畜牛羊于郇南唐元和中聞喜裴均以參贊平淮蔡勞系封郇國公今縣南王寮村故城相傳為古郇云春秋

時又稱郇瑕氏魯文公十二年秦侵晉入瑕十三年晉使詹嘉處瑕以守桃林之塞魯成公六年晉人謀去故絳諸大夫皆曰必居郇瑕氏之地

杜氏注曰猗氏東北有瑕城是也

迨

秦併六國分天下爲三十六郡遂以猗氏置縣屬河東郡盖因猗頓居名也漢屬并州河東郡新莽改屬洮陽郡東漢光武復洮陽爲河東郡晉分天下爲十九州以猗氏屬司州河東郡太原王卓以司空封猗氏侯今神道碑猶存元魏太和十一年改屬秦州析二縣隸河東郡者爲猗氏隸北鄉郡者爲北猗氏魏恭帝二年改猗氏爲桑泉縣後周明帝宇文武成元年復改爲猗氏屬

猗氏縣志

卷之一

八

汾陰郡隋開皇三年罷汾陰郡改屬蒲州十六年析猗氏置桑泉縣大業九年廢縣自古城徙今治唐貞觀初分天下爲十道以猗氏隸河東道開元九年改蒲州爲河中府宋至道三年分天下州軍爲十五路以猗氏屬陝西路金屬河東南路元至元三年併萬泉入猗氏縣十六年復仍分立明洪武元年都督康茂才帥兵至縣尹張恕率衆歸附二年罷河中府改屬平陽府

本朝因之後改隸蒲州府

論曰禹貢止列九州而虞書則言肇十有二州大小分合之故自三代以前已莫之定而何論于更置郡國之

後哉吾猗自郇伯啟國晉有猗氏侯唐有郇國公藩封之建置重已隋析猗氏置桑泉元併萬泉入猗氏幅幘之廣狹抑又殊焉元魏以河東屬秦州宋以河東屬陝西路析晉入秦視古制似爲大異然嘗以十道表九域志考之河東郡蒲州屬也平陽郡晉州屬也二郡分立舊不相攝故唐宋金元皆以蒲州爲河中府自明罷河中俱隸平陽天啟間屢議分置卒不果行夫制邑居民則壤成賦必絜廣狹多寡之數而較若畫一稱至善也國初天下府之大者多轄數州數十縣如真定西安開封平陽濟南成都等而府之小者每至無州可轄甚至無縣可轄如漢陽興化止二縣

猗氏縣志

卷之一

九

思州開化等爲獨府

今則哀多益寡割遠就近分合得宜控制亦

易誠疆理天下之良規也歟

郇伯遺封畧載水經之注猗頓故蹟猶存貨殖之書始則地以人傳繼且名隨代異雖山川封表如故而疆域分合不常覩茲沿革之詳頓覺今昔之異

沿革續

國朝隸平陽府蒲州雍正二年以蒲州直隸山西布政使司六年再陞爲蒲州府以猗氏及永濟滎河臨晉萬泉等五縣屬焉

猗氏縣志卷之一

疆域

古帝王建極御世拓土開疆仰應星躔俯察地理誠以
肇鴻基而樹屏藩也猗氏為唐虞甸服周封郇伯于茲
為侯國其後徙為郡邑屢更遞變無異滄桑然川原形
勢疆域延袤尚可溯而考也采下里之風謠尋桑泉之
舊蹟可以觀勝概矣

考縣疆域東至安邑縣張岳村界一十八里南至解州
小侯村界三十五里西至臨晉縣任尚村界二十二里
北至萬泉縣小桃村界三十五里廣四十里袤七十里

猗氏縣志

卷之一

自縣治西南至蒲州一百一十五里北至平陽三百二
十里至省城九百四十里至京二千里

山川

峩眉坡 在縣北門外東連閭喜西入蒲坂綿巨蜿
蜒至縣北支龍如掌踴躍南行遂結縣治

千佛嶺 在縣南八里相傳古浮屠基故名脉自閭喜香
山來至縣西香落村止涑水西流過源頭村將

南逝嶺隆起逼捍
之蓋縣治內案也

鳴條岡 在縣南二十里自安邑來軀幹委蛇分條布葉
繚繞縣南蓋縣治外羅也東望鬱蒼舜陵在焉

涑水河 在縣南六里源出絳縣絳水始自乾澗伏流盤
束地中復出西流經聞喜經本縣南境合姚暹

渠入五姓湖宏治十六年御史曾大有因害鹽疏請浚
河八十里本府同知許莊督工引稍北由孟鹽入河

澤泉 在縣南門外地故偃豬浸泉成澤四時不
涸萬間坡水大至澱滓壅塞泉遂湮

文波泉

在縣東北仁壽寺右一泓澄澈自城東遶縣南入涑水時溢縣多科第故名嘉靖乙卯地震圯

闕久未濬舊名文運泉

雙壁泉

在縣西北五里靈巖寺後明萬曆十八年二泉湧出南流五十餘步後每泉出則邑中多中父

子進士

黑龍潭

在縣西南二十里廣半畝深丈許居民遇旱禱雨輒應潭左有泉久湮邑紳王含光濬之引開

水田若干畝今復湮

形勝

北枕嵎原南憑涑水田廬錯繡桑柘鋪棊境內無名山大川而遠岫重谿俱歸襟帶誠馘莊之衝要四塞之奧區也

猗氏縣志

卷之一

論曰猗居河山之心腹當秦蜀之咽喉南曰解梁北曰萬泉東曰安邑西曰臨晉猗介其中在前代實兼有四邑之地其見于傳者晉公子重耳反國濟河圍令狐入桑泉令狐在今縣西十里桑泉之析置則自隋開皇十六年始也又春秋杜氏注郇瑕之地沃饒而近鹽郇在解西北鹽今猗氏縣鹽池也魏都賦注曰鹽池在猗氏縣四十六里柳子厚曰猗氏之鹽晉寶之大也唐書地理志注猗氏爲次畿地有孤山然則令狐桑泉皆猗地也鹽池孤山故猗屬也中條南峙景山北聳涑水左紆黃河右繞凡四邑所有名勝

皆邑之居中而肆收焉者也元王思誠詩云條山河
水壯封疆城外岷原百里長蒲坂東通猗頓宅桑泉
南下接虞鄉盖亦統諸邑而論之也自後分域辨方
各據所有而邑乃塊處彈丸若逖稽典籍咨度重輕
則猗之形勢詎可以幅幘限哉

十景

峩岷曉耕

在城北青坪如級城中歷歷可指開雲推月出入息唐風之遺也

涑水春漲

在城南八里東山雨集波濤洶湧魚龍出沒酷類江湖沿河阡陌多資灌漑焉

古壘秋風

在城內唐馬莊屯軍處也雉堞平臨蒼宮森蔚涼颼秋發如聞萬馬奔騰

龍巖夜月

在城東龍巖寺東廊後巖壁飛軒當稷之豁望夕月湧素魄先投峩岷第一勝槩也

猗氏縣志

卷之一

十一

雙塔斜影

在城內妙道寺一返射直影斜連有機峰相日轟轟對峙夕陽一返射直影斜連有機峰相

敵之勢

對澤晚牧

在城南門外滄浪凝碧綠縵展茵簞短歌長時與水禽相訓答不知日之夕矣今廢

東原早行

邑無驛站旅人多次東關客舍鷄聲河橋柳色陽關疊唱背指渭城矣

孤峯晴雪

孤山積雪乍晴旭光照耀如玉障橫空最宜接壤山海經名景山在萬泉縣南麓與

眺遠

長堤柳浪

在城西南二十里邑侯高公向極所築也綿亘十餘里以遏涑水南潰平苔高柳與清波

相掩映而近墅天桃挿壩鱗接春潮流興當不减濠梁

南澗荷香

距柳堤數武涑河故道也北有黑龍潭潭左有泉涓涓南流可十里餘荷稻相間小構丘

亭堪為諸景之冠今廢

猗氏縣志卷之一

城池

坊鄉市鎮附

昔先王設險以備不虞因築城鑿池以衛民而禦暴盖先患預防亦陰雨綢繆之意也猗邑平行無邱陵可憑升陴濬隍更所宜急其坊鄉市鎮溝洫道涂並胥以時加意焉防外患于未然念前勞之非易莅斯邑者尚其重之哉

縣城

周九里十三步高三丈廣一丈五尺

門樓

四處

敵臺

一座

角樓

四座

警舖

六十處

堞口

共一千九百三十個

池

濠深二丈濶三丈內穿城道濶六尺有餘

考猗邑憑峭麓為土城唐興元元年節度使馬燧所築

猗氏縣志

卷之一

十二

時李懷光叛據河東燧破之以猗居雍洛之間當三晉之衝因留屯築壘焉今相傳城內東北隅古縣疑即其地也形家言邑城取龜形為勝槩頭在東北宜設二圈城為龜眼如建倉司于古縣則居民大有利云城門四舊名東曰崇仁西曰尚義南曰招薰北曰拱極明隆慶二年知縣江濶始修磚堞改門名東曰朝京西曰通秦南曰迎薰北仍曰拱極萬曆十四年知縣陳經濟剏起門樓四座甃之十八年知縣黃道見疏浚城濠築圍墻植樹木二十四年知縣郭九有增植樹木更茂舊四門缺月城崇五年邑紳荆可棟倡縣民增築之東曰迎

涑西曰帶河南曰賁旭北曰蟠蛾更于巽地建文昌閣
樓城下設鐵倒門外置圍欄築重城知縣李昌齡爲之
記

國朝康熙二年知縣楊乾晉重修角樓并城東西門樓加
以扁額東曰神州右臂西曰秦蜀咽喉

鎮堡

杜村鎮城

在縣南土堡周五百六十步高一丈五尺

下任鎮城

在縣西土堡周三百八十步高一丈五尺

張岳鎮城

在縣東土堡俱明嘉靖二十二年縣丞王鉞修

論曰城所以盛民也謹啟閉譏出入蓋無事而爲有

猗氏縣志

卷之一

十四

事之防者貴乎豫也猗當明季屢歲兵荒城郭蕩然
其舊時各鎮亦空存故址耳我

朝加意撫綏生聚日久其城鄉村堡星列暮布漸復舊觀
猶望守是土者以時修葺捍患未然庶足以衛民生
而計久遠也

倚氏縣志卷之一

坊巷里都

後市前朝奠居因乎王制遴賢表節殊榮荷自天家畫
井分疆既羣居而比處進修勸學遂易俗而移風丕哉
一道之休詎曰十室之邑

邑城內有四坊外有九都明初編戶五十一里正德七
年併為五十里嘉靖三十四年併為四十五里萬曆四
十一年併為四十里

國朝順治十五年併為二十三里

興教坊

城內西北地以儒學在焉故名巷二

猗氏縣志

卷之一

莊武坊巷

自北街口至城隍廟巷後坊牌至廟

崇道坊

城內東南地以太清觀在焉故名巷二

天王樓南巷

自南街口至水撞巷清觀達南門

三相坊

城內西南地唐張三相舊居故名巷三

鐘樓巷

在布政司前坊門南巷今湮塞水路猶存明萬曆

間文苑榮戟二坊併為一後燬

貴戚坊

城內東北地唐貴戚曾居焉故名巷二

儒林巷

自射圃口至古樓前南岳廟巷自廟後

翟村都

城西外鄉轄里二

翟村里

兼轄翟村里寺村許家大陳里

大陳里

轄南人陳西

陳建庄
支村東
陳衛村
翟西
陳村
翟百

下任都
西城
轄里二

下任里
兼轄
下任鎮
趙村
祈店
西村
荆楊
王村
下趙
村百
里趙
店何
村家

東水南
庄陳范
村西張
廣村
兼轄
王村
下趙
村百
里趙
店何
村家

初王都
南城
轄里三

初王里
兼初
轄任
村王
智景
光南
村北
陽智
村光
任柳
里東
任柳
村初
村

兼轄
智光
邸西
家初
營村
南
楊鹽
前里
轄
岳村
鐵匠
營南

大姚都
南城
轄里三

大姚里
兼大
轄范
村姚
村
杜村
里
庄轄
兼村
轄鎮
香沿
落村
南家

楊鹽中里
庄轄
王上
寮庄
下

猗氏縣志

卷之一

楊姚都
南城
轄里二

楊姚里
家轄
營南
黃楊
儀姚
南北
西楊
新姚
庄東
張里
嵩寺
狄
百俊
里
村轄
王百
鑑俊

村孫
太侯
里村

喬申都
東城
轄里二

喬申里
里轄
陳西
家喬
新楊
庄申
楊村
東朝
庄馬
村李
營漢
村東
兼轄
三里
高西
頭三
村

楊妃
村
景郭里
侯轄
翟景
家滑
庄田
小村
南郭
村村
楚

兩楊都
東城
轄里二

兩楊里
黃轄
鬪大
景楊
神村
后小
堡董
村上
庄梁
家村
庄孫
楊家
斜庄
西岳
里

轄高
趙家
庄家
兼新
轄庄
高張
頭岳
村南
岳

楊尉都
北城
轄里三

楊尉里

轄楊庄尉庄景庄大閭村小閭村

齊村里

轄齊村景村羅村泉兒杜村北里

張村滑家里

轄南景村西里東里呂家庄石家庄東里堡

西村都

城外北鄉

轄里四

西村里

轄白村雙樓村東陳翟

陳張里

轄陳庄張庄李家庄薛村翟庄南庄樊家庄

陳家庄里

轄陳家庄北王庄閭家庄南王庄

賈庄里

轄賈庄高家庄北景村

屯田坐落

王寮前屯王寮後屯

東里寺屯

黃鬪景屯四大夫屯

羅村屯

丁家屯

北景村屯

齊村屯

三里屯

按舊志城內大街東曰和順西曰豐樂南曰顯明北

曰靜寧其時間閭鱗錯致貨聚財足稱物力之盛自

明季亂後東南北三街居民寥落屢肆俱廢而各鄉

猗氏縣志

卷之一

十七

里都人多逋亡田半荒蕪我

國家休養生息八十餘年加以蠲租賜復 恩膏疊沛生

齒既蕃田疇悉闢民氣和樂安土重遷每遇歲時會

集肩摩轂擊雖物產初無奇貨可居而羔狉犢特未

耜粟布克盈闐闐足資民用非深仁厚澤重熙累洽

何以有此然則勞來安集養欲給求非良司牧之責

而誰之責哉

市集

附

莊武王廟會

三月八日

城隍廟會

五月十日

關王廟會

十二月八日

東關集

每月五日

高頭里會 十五日二 杜村鎮集 六月九日三 下任鎮集 每月七日二

坊表 附

步蟾 為舉人 鐘鑄 立人 折桂 為舉人 張縉 立人 王相 為舉人 趙煥 立人 登瀛 為舉人 陳豫 立人 舉

子 為舉人 何清 立人 英才 為舉人 王安 立人 冠英 為舉人 趙普 立人 重輝 為舉人 荆詡 立人 飛騰

為舉人 衛聰 立人 俊英 為舉人 張錫 立人 濟美 為舉人 張純 立人 登雲 為舉人 張宗 立人 蜚英 為舉

人 立人 宋世科 為舉人 龍立 攀龍 為舉人 翟敬 立人 聯芳 為舉人 宋震 立人 進士 為舉

敬 立人 紫誥重褒 為舉人 外宋 勅封 員立 丹桂秋香 為舉人 王紹 立人 折桂 為舉人 大奉 議

立人 褒封 為舉人 郎翟 通立 文林 丹鳳朝陽 為舉人 荆晟 立人 鵬搏 為舉人 王璽 立人 進

士 為舉人 王璽 立人 彤廷賜第 為舉人 九立 進士 尚賢 立人 何天寵 地

封 為舉人 尚德 立人 何文星 拱極 為舉人 汝玉 立人 李天府 登名 為舉人 王宗 立人 甲

猗氏縣志

卷之一

十八

科錫第 為舉人 王宗 立人 省殿掄魁 為舉人 東序 立人 父子經魁 為舉人 何尚

立人 父子同科 為舉人 狐一 槐立 紫誥重褒 為舉人 任闕 立人 鳳閣承

恩 為舉人 張嘉 會立 御史 鎮撫三秦 為舉人 何東 序立 大中丞 為舉人 何東 序立

世魁三晉 為舉人 何壬 午科 經魁 何尚 德 子科 亞 三世參知

為舉人 荆來 貢 陝西 參政 琨 誥 封 參 政 立 九重錫命 為舉人 并 卿 部 員 外 劉

平 立 觀光 為舉人 王倫 班 立 肅儀 為舉人 王純 班 立 大司寇第 為舉人 荆 州 俊 立

理學世家 為舉人 王弟 叔 孫 父 皇恩旌節 為舉人 荆 氏 立 旌表

王約 立 旌表 為舉人 從政 民 趙 貞節 為舉人 何氏 立 以上經明季

亂多燬

天朝旌節 為舉人 狐 妻 立 節壽雙全 為舉人 狐 妻 立 父子鄉賢 訓 為

導喬繼宗封
御史喬梓立
天朝總憲
為右都御史
奕世承恩
為訓導

封御史喬梓
喬應甲立
天朝旌節
為裴鯤妻
天朝旌節
為雷汝茂妻

旌節
為雷汝茂妻
天朝旌節
一為郭邦畿妻裴氏立一為郭琛妻荆氏立一為荆冲奎妻王氏立一為景登選妻李氏立

論曰棹楔所以表媿也邑當全盛時列坊樹旌光曠
里開其足厲風化聳觀瞻者何衆也明季寇亂在城
者十無二三而鄉村僻壤存者亦皆圯敝然鳴珂通
德奕世馨傳碎錦烏衣後人憑弔是凡名門勝蹟百
世下猶深人愾慕况乎忠孝節義之風更有不與兵
火同盡者乎備錄之以志舊也

猗氏縣志卷之一

公署

君子嚮明而治則有公署洺斯位者政令于是乎行教化于是乎興可不慎歟顧苟簡者往往以傳舍視之其侈宏麗者又雕楹刻桷日事興作二者交失之矣邑公署初建于元大德間歷代修葺並未過侈吾願繼其後者敝則理之否則安之勿蹈二者之轍惟尊五美之訓則攸躋攸寧永善其後矣

縣治在城內西偏元大德戊戌縣尹閻璧建基址二十八畝三分明洪武二年重建宏治十一年知縣徐誼更

猗氏縣志

卷之一

新其制嘉靖乙卯地震諸官舍俱傾頽知縣韓應春重修

大堂

五間舊扁曰忠愛堂知縣于時榮更題曰如保堂

堂東三間

按舊制當為贊政廳一曰

幕廳明萬厯間名

堂內耳房

新增東二間移置庫

兩廊吏曹房

東七間為吏戶禮房舊置承發東今移堂內耳房西七間為兵刑工房

舊制舖長司附于

甬道前班房

東西各一間為皂隸房

戒石坊

在甬道前知縣陳經濟重建上勒戒

土地祠

儀門三間外馬廐北房三間東西房各五間

東祠寅賓館

儀門三間外儀門前兩廊房舊制為收稅所大

門

三間上旌善亭大門外東三間今

申明亭

大門外

今榜房在大門前縣門坊東曰守土又東曰文武藩封廢在西南內房九間

二堂三間堂東三間按舊制當為架閣庫今磚樓在東南屬庫樓

堂西耳房新增加一間兩廊房東三間為書東房

知縣宅在二堂後知縣錢甫生重修

縣丞宅在大堂東

主簿宅在大堂西北

典史宅在大堂西

吏廨二所一在縣丞宅東南

行臺

猗氏縣志

卷之一

察院司在縣治東基址四畝五分舊為河東道明宏治十一年知縣徐誼改建

大堂三間兩廊班房各三抄案房東西各一間儀門三間東

大門各一間察院坊左右曰激揚後堂五間東西房各三

退堂三間東西房各三厨舍二間今俱廢

布政司在縣治南基址一畝五分明宣德十年知縣張

嵩建

大堂三間兩廊房各一抄案房各一儀門一間東西角

大門三間退堂三間東西房各一厨房一間今俱廢

按察司在縣治西東向基址一畝三分舊為府館明永

樂四年知縣郭慶改建

大堂三間 廂房南北各一間 儀門一間左右角 大門三間 退堂

三間 南北房各一間 廚房一間 今俱廢

屬廡

稅課局 在縣治東大街北明萬厯間廢

陰陽學 在縣治東北明萬厯間廢

醫學 在縣治東明萬厯間廢

僧會司 在妙道寺

道會司 在太清觀 已上今俱廢

公所

猗氏縣志

卷之一

二十二

涑河橋公館一所今廢

東門外公館一所明崇禎十年知縣李昌齡修

正廳三間 兩廊房東西各一間 大門三間 後堂三間 今廢

鐘樓 在縣治南明萬厯五年縣丞張順治建二十九年知縣郭九有重砌之有碑

論曰書云若考作室既底法厥子乃弗肯堂矧肯構有司承平積翫百度廢弛且有併已成之堂構而任其敝壞不治者何言底法哉夫上棟下宇身之所庇也政教之所從出也而憚于修葺日就傾圮遲之又久工費滋鉅必至勞民力糜民財此弗洒弗掃晉昭所以貽譏不陂不梁單子所以致嘆也

國家景運日隆修廢舉墜尚望良司牧奮然行之俾入其
邑者觀其廉隅而知政事之修飾焉可耳

猗氏縣志

卷之一

二十三

猗氏縣志卷之一

學校

嘗聞安上全下莫善于禮移風易俗莫善于樂而要以學校為先學校者禮樂之所歸也故人生七歲出就外傳黨有庠術有序至十五而入大學教之育之以觀其成蓋先王造就人材若斯之重也我

皇上崇儒重道于學校師儒大慎其選則凡膺斯職者尚其于多士加之意哉

文廟

大成殿五間東西廡各十五間內東廡南二間為神廚庫

猗氏縣志

卷之一

北二間為戟門三間類池在戟門前齋所在泮池東三間舊為

神厨在泮池西三間今櫺星門三間東西大門東曰義

禮門禮門琉璃照壁舊在櫺星門前天啟中邑紳喬應甲

南南廟門坊東曰道德配天地

崇聖祠在文廟東北三萬曆二十年知縣李景登

名宦祠在文廟戟門外

鄉賢祠在戟門外右三間舊以

祭器庫在西廡北舊籩二百四十五爵一

百二十四簋一十五簋一十四爵七十六俱錫器大

順治十五年邑紳新置

籩豆二百銅爵十三箇

制書庫

內舊制當在尊經閣無閣以東廡北為制書庫

周易會通資治通鑑朱子綱目通鑑紀事本末朱書

語類近思錄藝文類聚小學太極圖說真西山讀書

記五倫書禮書諸禮集要
明御製大誥今俱散失

明倫堂

後在五間廟兩齋東曰崇德齋五間西曰廣業齋五

間又東曰日新西角門東曰毓秀
曰時習各三間

敬一亭

在堂後三間明嘉靖中
知縣李景登起臺重修

教諭宅

在北堂厨房在堂東三

訓導宅

一在東齋後改建尊經閣
一在西齋後

魁文閣

在廟坊東門衢四達樓閣巍峩邑紳何東序題
額曰唐虞莫域西曰文武藩屏南曰郇雲倚

猗氏縣志

卷之一

漢北曰嶺
宇鍾祥

尊經閣

在東學道北創康熙二十三年進士王含真

儒林坊

在閣南街開榜

射圃

舊在學西明嘉靖三十三年巡撫御史宋儀望移
文知縣韓應春署教諭王三益改建學東北拓基

七畝五分中為講堂五間西廊左右齋各三間後為
退齋三間號舍二十間庫三間廡三間儀門三間

大門三間後廢萬曆中義民何東觀出首地建房經
乙卯地震圯類無存天啟中舉人耿始然改建知縣

賈公生祠以其餘地為郇伯廟
順治十年知縣楊乾晉特毀生祠仍存射圃舊址

學田

在城西五年里翟村計地八
畝今廢俱入民田起科

養廉倉

明萬曆三十年巡按御史趙文炳發本銀四十
兩學史暨省祭執掌出入每年子銀加二本學

生員有貧窮婚喪不能成禮者
用于銀給眼母銀長存今廢

社學

一在東門內崇道坊街南一在北門內興教坊街西明宏治十三年知縣徐誼建今俱廢

書院

在東門外今俱圯

考學宮在縣治東基址一十五畝五分金成安二年建
明洪武三年重修嘉靖三十三年巡鹽御史宋儀望移
文知縣韓應春增修三十四年地震頽圯三十五年韓
應春重修經筵官韓邦奇撰記萬曆九年知縣賈一鶚
鳩士民重修改學道于右二十年知縣李景登復改學
道于左構得民居闢明堂五丈餘并建魁文閣邑紳何
東序爲之記天啟三年邑紳喬應甲更構民居拓地基
增修外池學道左右二門俱開 順治十五年生員荆

猗氏縣志

卷之一

二十六

可樾以捐貲修學入成均補苴未以門廡敝漏康熙九
年署縣事聞喜縣丞董國政署教諭竇復伸倡闔學重
修泮池 康熙十二年重修大成殿十九年舉人王巖
楨重修兩廡魁文閣名宦祠有記二十三年進士王畚
真創建尊經閣有記三十二年重修啟聖公祠有記四
十年重修祭器四十一年重修戟門泮池有記五十二
年重修兩廡名宦鄉賢兩祠 雍正六年知縣宋之樹倡衆重修魁文閣道德儒林三坊外泮池有記
論曰三代以來不與井田封建俱廢者惟學耳明初
尤重學校郡縣師儒必極一時之選而且爲之置學
田以養士頒書籍以教士祭器以習禮射圃以觀行

社學以廣教童蒙鄉飲以崇尚禮讓法綦備矣而一時公卿大夫亦皆重道崇儒雅意作人于是遍立書院廣置倉廩所以佐天子之德教成菁莪棫樸之化者無不詳且至焉迨後日以廢弛文廟徒以棲神主學宮徒以居學博教諭之實不聞齋舍之名虛設甚至祭器失守書籍散逸隱占官地私建淫祠并其餼羊而去之者吁可悲也我

朝隆重學校慎簡師儒凡爲司鐸者勿傳舍其官可矣教始於一鄉化及乎天下考辟廱之鐘鼓禮重瞽宗聆下邑之絃歌情欣泮水蒸我髦士庶爲邦家之光遐不

猗氏縣志

卷之一

二十七

作人可觀菁莪之化

續

崇聖祠

雍正元年追封先師五代皆爲王爵木金父爲肇聖王祈父爲裕聖王防叔爲詒聖王

王

伯夏爲昌聖王

啟聖公爲啟聖王

忠義孝弟祠

在學宮戟門外舊有西房三間雍正五年知縣宋之樹改建有題名碑記

節孝祠

在東門外正房三門牌坊一座雍正五年知縣宋之樹捐建

義學

在城內

猗氏縣志卷之一

典禮

聖王之制禮也朝覲會同有其時郊廟禋祀殊其等冠婚喪祭別其分燕饗俎豆脩其物釋奠臨雍治兵振旅飲射讀法將之以忠信誠愨文之以揖讓周旋節之以登降疾徐嚴而泰和而節豈故爲委曲繁重以煩苦天下人哉所以辨上下定民志也故曰安上治民莫善於禮移風易俗莫善於樂

文廟祀典

先師廟號漢平帝稱宣尼公北魏孝文帝稱文聖宣父後

猗氏縣志

卷之一

二十八

周宣帝封鄒國公隋文帝稱宣師尼父唐元宗謚文宣王宋真宗謚元聖又改至聖元武宗號大成至聖文宣王明嘉靖九年更號曰至聖先師孔子繪像始自漢靈帝光和元年畫先聖及七十二弟子像唐元宗開元八年特爲曾參塑像坐于十哲之次圖七十弟子及二十二賢于廟壁出王者袞冕服衣孔子宋大中祥符間加冕九旒服九章桓圭一令以玉易木崇寧四年加冕十二旒服九章金大定十四年用冕十二旒加服十二章纁旒九就明洪武十五年命宋訥撰敕撤南京大學及天下郡縣學像成祖八年視北京國學因元時塑像猶存不忍遽毀而齊寧長山

諸邑章服不古有詔改正天順中蘇州知府林鶚始因泥像剥落易以木主至嘉靖釐正通行而北雍古像盡撤矣從祀先儒自洪武四年黜楊雄進董仲舒正統二年以宋胡安國蔡沈真德秀從祀八年以元吳澄從祀宏治九年以宋楊時從祀嘉靖釐正祀典罷祀公伯寮秦冉顏何荀况戴聖劉向賈逵馬融何休王肅王弼杜預吳澄十三人改祀林放蘧瑗鄭衆盧植鄭元服虔范甯七人于其鄉增入后蒼正通歐陽修胡瑗陸九淵從祀隆慶五年進薛瑄萬曆十二年進王守仁陳獻章胡居仁三十九年增宋羅從彥李侗從祀今康熙五十二年進朱熹位于十哲次五

猗氏縣志

卷之一

二十九

十四年以宋范仲淹從祀

先師廟祀明洪武初定樂章舞六佾命製大成樂器頒行天下府州縣學樂用登歌朔望令郡縣以下詣學行禮嘉靖釐正祀典春秋仲月上丁以正官爲獻官縣佐教官爲分獻官崇禎十年知縣李昌齡實始教肄禮樂焉

樂章

大哉孔子聖道尊崇維持王化斯民是宗典祀有常

精純並隆神其來格於昭聖容

迎神

自生民來誰底其盛惟師神明度越前聖絜帛具成

禮容斯稱黍稷非馨維神之聽

奠帛

大哉聖師實天生德作樂以崇時祀無斃清酤維馨

嘉牲孔碩薦修神明庶幾昭格

初獻

百王宗師生民物軌瞻之洋洋神其寧止酌彼金罍

維清且旨登獻維三於嘻成禮

亞獻終獻同

犧象在前俎豆在列以享以薦既芬既潔禮成樂備

人和神悅祭則受福率遵無越

徹饌

有嚴學宮四方來宗恪共祀事威儀雍雍歆茲維馨

神馭還復明禋斯畢咸膺百福

送神奠座同

樂曲

咸和 迎神徹饌送神 寧和 奠帛初獻 安和 亞獻 景和 三獻

猗氏縣志

卷之一

二十

樂器

麾一 祝一 敔一 琴六 瑟二

篴六 笙六 鳳簫二 橫笛六 引節二

鐘十六 磬十六 塤二 箎二 搏拊二

應鼓一 翟籥合四十八

樂生三十六人 舞生三十六人 歌生六人

陳設

至聖位前祭用帛一羊一豕一爵三登一 劔二 中登為太羹 羹肉汁

不用 盥醬 兩傍 劔為 籩二 一盛黍 一盛稷 籩二 一盛梁 籩八

和羹以猪腰羊膂造 豆八 一鹿脯二 芡三 栗

苴六 菁苴七 芹苴八 茅苴 四藁魚五 醢醢六

鹿醢七兔醢八魚醢 會典載九
祭丁品物非其土產者以所產代

四配前祭爲四壇各帛一爵三登一鉶二簋一篋一籩
六豆六共用羊二猪二

十哲前祭東西二壇各帛一羊一豕一爵五鉶一簋一
籩一籩四豆四

兩廡祭各十二壇每壇爵四簋一籩一籩四豆四共用
帛一豕一羊一

祭儀

祭前一日執事者設香案牲房外獻官常服詣省牲
所省牲宰牲盛毛血少許于盤是日觀樂習儀齋宿

及期質明鼓三嚴樂舞生就位執事者各司其事陪
祭官分獻官獻官以次就位座毛血舞生執羽籥迎
神麾生舉麾擊祝樂奏咸和之曲奏畢贊拜樂盡麾
生偃麾櫟敵樂止奠帛行初獻禮詣盥洗所盥畢詣
酒罇所司罇酌酒詣至聖前麾生舉麾擊祝樂奏寧
和之曲跪奠帛獻爵俯伏平身詣讀祝位麾生偃麾
樂暫止衆官跪讀祝文曰維某年歲次某甲子某月
朔某日某甲子某衙門官某等敢昭告于至聖先師
孔子曰惟師德配天地道冠古今刪定六經垂憲萬
世茲惟仲春秋謹以牲帛醴齊粢盛庶品式陳明薦以

復聖顏子宗聖曾子述聖子思子亞聖孟子配尚享
讀畢俯伏興平身麾生舉麾樂生接舞奏先未終之
樂詣四配前跪奠帛獻爵畢俯伏興平身行分獻禮
各獻官詣盥洗所盥畢詣酒罇所酌酒詣東西哲詣
東西廡神位前俱跪奠帛獻爵畢俱俯伏興平身復
位樂盡麾生偃麾樂啟樂止行亞獻禮麾生舉麾擊
祝樂奏安和之曲禮同初獻畢麾生偃麾樂啟樂止
行終獻禮麾生舉麾擊祝樂奏景和之曲禮同亞獻
畢麾生偃麾樂啟樂止跪飲福受胙畢俯伏興平身
復位拜興平身各官拜訖徹饌麾生舉麾擊祝樂奏

咸和之曲執事稍動籩豆司節引舞生序立樂盡麾
生偃麾樂啟樂止送神麾生舉麾擊祝樂奏咸和之
曲拜興平身各官拜訖樂盡麾生偃麾樂啟樂止讀
祝者執祝進帛者捧帛各詣座所望瘞麾生舉麾擊
祝樂奏咸和之曲捧祝帛者詣望座位獻官分獻官
陪祭官至瘞所祝一帛一段數至九段焚訖樂盡麾
生偃麾樂啟樂止禮畢

崇聖祠祀先師則前期從事陳設祭品同至聖前惟不設
太羹一登各配陳設同十哲從祀陳設同兩廡祀文
維某年月日某官某等致祭于啟聖公孔氏之神曰

惟公誕生至聖爲萬世王者師功德顯著茲因仲春秋
告祀以先賢顏氏先賢曾氏先賢孔氏先賢孟孫氏

配尚嚮

名宦祠祀用豕一帛一爵三雜以果品祝文於惟羣公
淑氣攸鍾昔宦茲土政澤流通籩豆靜嘉時祭之供
民具爾思其曷有窮

鄉賢祠祀用豕一帛一爵三襍以果品祝文於惟羣賢
輝映後先文章德業奕世相傳籩豆承事時供于前
高山景行終不可誼

壇壝祀典

猗氏縣志

卷之一

二十三

社稷壇明初異壇同壝祀社以后土勾龍氏配祀稷以后
稷氏配埋石主于壇之正中更爲木主藏焉祭則設于壇
上後罷勾龍后稷配享

祭品 歲春秋仲月上戊日致祭凡祭用羊二豕二帛二爵三
登一劔二籩四豆四簋二簋二樂用鼓吹

祭儀 前期送祭品省牲齋宿至期陪祭官先就位贊引獻官
就位迎神奠帛初獻讀祝亞獻終獻飲福受胙徹饌送
神望塵禮畢

風雲雷雨山川壇明洪武初命禮官考定風雲雷雨諸天
神合爲一壇天下山川城隍諸地祇合爲一壇春秋專祀

祭品 歲春秋仲月上巳日致祭凡祭用帛七羊三豕三爵三

登一劔二籩四豆四簋二簋二樂用鼓吹

祭儀 同社稷壇唯望燎異社稷壇為望燎有燎所

邑厲壇明初定禮命祭無祀鬼神欽降祭文立石于壇南

祭文某官尊承禮部劄付為祀本縣闔境無祀鬼神該欽奉 皇帝聖旨普天之上下其理則一故天下之廣兆民之衆必立君以主之君總其大又設官分職于府州縣以各長之各府州縣又于每一百戶內設一里長以率領之上下之職紀綱不紊此治人之法如此天子祭天地神祇及天下山川國各府州縣祭境內山川及祀典神祇庶民祭其祖先及里社土穀之神上下之禮各有等第此事神之如道此尚念冥冥之中無祀鬼神禮昔為生民未知何故而歿其間有遭兵刃而橫傷者有死于水火盜賊者有被入取財而逼死者有被行人強奪妻妾而死者有刑禍而負屈死者有天災流行而

猗氏縣志

卷之一

疫死者有為猛獸毒蟲所害者有為饑餓凍死者有因戰鬪而殞身者有因孫離于他鄉或人煙斷絕或于近世或有死後無子流離于他鄉或人煙斷絕或祭祀姓名泯沒于一時祀典無聞而載此等孤魂怪無所依精魄未散結為陰靈或依草附木或作為妖怪悲號于星月之下呻吟于風雨之淪意懸懸而望祭興言思陽世魂杳杳以無歸身墮沉淪意懸懸而望祭興言及此憐其慘悽故敕天下有司依時饗祭在京都有泰厲之祭在王國有國祭在屬下祭在依時饗祭在京都有泰各縣有邑厲之祭在屬下祭在依時饗祭在京都有泰人而血食人敬神而在知禮仍命本處城隍以主此祭欽奉如此今某等不敢有違謹設壇于城北以某月置備牲醴羹飯專祭本縣合境無祀鬼神等衆其不昧來饗此祭凡我一縣境內人民倘有忤逆不孝不敬親者有奸盜詐偽不懼公法者有抑曲作邪不敬之徒神必報于城隍發露其事使遭官府輕答杖斷不露得為良民重則徒流絞斬不得生還鄉里若未發露必遭陰譴使舉家並染瘟疫六畜還鄉不利如有未發

順父母和睦親族畏懼官府遵守禮法不作非為良善
正直之人神必達之城隍陰加護佑使其家道安和農
事順序父母妻子保守鄉里我等闔縣官吏人等如有
上欺朝廷下枉良善貪財作弊蠹政害民者靈必無私
一體昭報如此則鬼神有鑒

察之明官府非諛諛之祭
禮官奏按祭法王祭泰厲諸侯祭公厲大夫祭族厲又
士喪禮疾禱于厲鄭氏謂漢時民家皆秋祠厲則此
事又達于民也春秋傳曰鬼有所歸乃不為厲然則鬼
乏祭享而無所歸則必為害古者七祀于前代帝王諸
侯卿大夫之無後皆致其祭豈無所為而然哉後世以
為涉于淫諛非禮之正遂不舉行而此等無依之鬼乃
或依附于土木為民禍福以邀享祀者蓋無足怪今欲舉
其祀宜于京都王國各府州縣及里社皆祭祀之而天
下之淫祀一切屏除使鬼之無所歸附者不
失祭享則災厲不作是亦除民害之一端也

祭品 歲以清明中元十月朔致祭凡祭用羊三豕三果四羹

飯冥衣數百具 以米三石炊飯
席地焚香列炬

猗氏縣志 卷之一 三十五

祭儀 先期道迎城隍神位于壇榜無祀鬼神于兩旁屆期長

吏率僚佐俟晡時致祭行四拜三獻送神禮畢

土地祠歲以春秋仲月上巳日祭

城隍廟歲以春秋仲月上巳日合祭于山川壇

八蜡廟歲以春秋仲月上巳日祭

鄉飲酒禮

鄉飲酒禮每歲正月十五日十月初一日於明倫堂行禮
以正官為主位東南以致仕官為大賓位西北擇鄉里年
高有德之人為僎賓位東北以次長為介賓位西南以賓
之次者為三賓位于賓主介僎之後司正以教職為之主

揚觶以行罰贊禮以老成生員爲之

又按大明集禮如無
僕賔以佐貳官爲之

先期主人朝服就先生而謀賔介

先生鄉中致仕者大夫
名曰父師士名少師恒

知鄉人之賢者
是以就而謀之

戒賔詣賔門將命者入告曰某日行鄉飲

酒禮請某子臨賔出迎門外肅主以入至堂揖訖主人前

曰吾子學優行高應茲觀國某日展禮請吾子臨之賔曰

某固陋恐辱命敢辭主人曰謀于父師少師莫若吾子賢

敢固以請賔曰夫子申命之某敢不敬須主人再拜賔拜

主人退賔拜送主人戒介亦如之乃歸陳設坐次司正率

執事習禮至日黎明宰牲具饌主人率僚屬司正先至遣

人速賔賔至出迎于庠門外三揖三讓升堂兩拜就位執

猗氏縣志

卷之一

二十六

事者引司正詣堂中北面立賔僕以下皆立司正揖賔僕
以下皆報揖執事者以觶酌酒授司正司正舉酒曰恭惟
朝廷率由舊章敦崇禮教舉行鄉飲非爲飲食凡我長幼
各相勸勉爲臣盡忠爲子盡孝長幼有序兄弟恭睦
宗族外和鄉里無或廢墜以忝所生讀畢司正飲酒飲畢
以觶授執事司正揖賔僕以下皆報揖司正復立執事者
舉律令案于堂中讀律令者詣案前北向立賔僕以下皆
拱立讀曰大誥鄉飲酒禮叙長幼論賢良別姦頑異罪人
其坐席間高年有德者居于上高年淳篤者並之以次序
齒而列其有曾違條犯法之人不許干與良善之席主者

若不分別致使貴賤混淆察知或發覺罪以違制姦頑紊亂正席者全家移出化外讀畢復位執事者舉饌案至賓前主人獻賓薦脯醢設折俎賓酬主人如之獻僕介僕介酬皆如之各就位坐工入升歌鼓瑟歌鹿鳴四牡皇皇者華三終主人獻工笙入笙南陔白華華黍三終間歌魚麗笙由庚歌南有嘉魚笙崇邱歌南山有臺笙由儀三終乃合樂關雎鵲巢葛覃采芣卷耳采蘋三終工告正歌備乃徹饌賓主兩拜訖又賓僕介衆賓拜訖送賓三揖出庠門而退明日賓服鄉服以拜賜主人如賓服以拜辱

國朝順治十八年知縣楊乾晉初舉行康熙十二年知縣

猗氏縣志

卷之一

三十七

陳一魁雍正七年知縣宋之樹復舉行焉

按會典鄉飲之設所以尊高年尚有德興禮讓敢有誼譁失禮者許揚觸者以禮責之其或因致爭競者主席者會衆罪之又几里社每歲春秋社祭會飲畢行鄉飲酒禮所用酒肴于一百家內供辦毋致奢靡百家內除乞丐外但係年高者雖至貧亦須上坐少者雖至富必序齒下坐不許攙越違者以違制論其有過犯之人雖年長財富須坐於衆賓上如未聽講律受戒諭供飲酒畢同退不許在衆賓上坐如過犯之人不行赴飲及強坐衆賓之上者即係頑民主席及諸人首告遷徙遠在坐其主席及衆賓推讓有犯人在上坐同罪各里社以百家爲一會百家之內以里長主席其餘百人選年最高有德人所推服者一人爲賓其次一人爲介其餘各依年齒序坐如鄉人爲官致仕者主席請以爲僕擇通文齒序一人爲揚解一人爲讀律二人爲贊禮故曰鄉飲定制使民歲時燕會習禮讀律期于申明朝廷之法敦叙長幼之節也

又按禮記注先儒謂三則州長習射四則黨正蜡祭然鄉大夫飲國中賢者三則州長習射四則黨正蜡祭然

鄉人凡有會聚當行此禮恐不特四時也論語

鄉人飲酒杖者出斯出矣亦指鄉人而言之
又按鄉飲酒義主人親速賓及介而衆賓自從之至于
門外主人拜賓及介而衆賓自入賁之義別矣三揖
至于階三讓以賓升拜至獻酬辭讓之節繁及介省矣
至于衆賓升受坐祭立飲不酢而降殺之義辨矣工
入升歌三終主人獻之笙入三終主人獻之間歌三終
合樂三終工告樂備遂出一人揚觶乃立司正焉知其
能和樂而不流也賁酬主人主人酬介介酬衆賓少長
以齒終于沃洗者焉知其能弟長而無遺矣降說履升
坐修爵無數飲酒之節朝不廢朝莫不廢夕賓出主人
拜送節文終遂焉知其能安燕而不亂也此五者之教
古今莫可易也餘若尊于房戶洗當東榮烹狗東方齊
肺啐酒之類先王立義固深然古今異宜不必同也

論曰王制習射上功習鄉上齒耆老皆朝于庠原以
簡鄉之不率教者也故明初鄉飲定制分席三等旌
罰並行勸懲別焉今里社中此禮久不講矣即學校

猗氏縣志

卷之一

三十八

舉行往往瞻顧因循善否混淆崇德絀惡之謂何且
所舉師宿鄉更亦第聲聽相舉轉爲市德射利之資
而舉者未必稱稱者不得舉令人環視橋門咨嗟嘆
惜謂大典不光豈足貴哉浙中陳邑侯力復古道訪
擇惟公度幾鄭重大典以維風者與

鄉射禮

射禮前期戒射定耦選職事充司正副司正司射司射器
請射舉爵收矢執旗樹鵠陳設訖至日執事者入就位請
射者引主射正官及各官員子弟士民俊秀者各就品位
司射器者以弓矢置于各正官及司射前請射者詣正官

前揖畢引詣司射器前受弓矢訖復位司正執筭入立于中後請射者詣司射前曰請誘射引司射二人耦進各以三矢措于腰帶之右以一矢挾于二指間推年長者爲上射年幼者爲下射上射先詣射位向鵠正立發矢司正書中投筭置于中舉旗者如所射應之射畢退立于傍讓下射者詣位射訖請射者俱引復位收矢者收矢復于射者司正取所中筭請射者次請士民俊秀射次請官員子弟射次請品卑至品高者射其就射位發矢取筭書中舉旗收矢復位皆如前儀既畢司正副司正各持筭白中于主射正官舉爵者酌酒授中者飲之中的者三爵中采者二

猗氏縣志

卷之一

二十九

爵飲訖請射者請屬官以下奉弓矢納于司射器還詣主

射正官前相揖而退

明萬曆年間射禮久廢惟存射圃基址

按記曰合諸鄉射教之鄉飲酒之禮而孝弟之行立矣今儀禮全文不能盡復即會典所載亦久不行究之未可沒也謹錄大畧以存古制之遺

鄉約

鄉約所各關廂里社俱以寬敞廟宇爲之康熙八年署縣事萬錦雯著六諭衍義刊行各鄉村仍以時屬父老告戒子弟咸知講誦十二年知縣陳一魁每月初二十六下鄉講約邑人民翕然向風焉五十三年邑令陳騰章仍復行

講約刊勸化文給散鄉村

雍正二年邑令宋之樹每遇朔望宣講聖諭廣訓數條

按漢制五官為廷掾監鄉五部春夏為勸農掾秋冬為制度掾民五家為伍伍長主之伍為什什長主之什為里里魁主之十里為亭亭長主之十亭為鄉鄉有秩鄉佐三老嗇夫游徼各一人有秩鄉佐主賦稅三老主教化嗇夫主爭訟游徼主姦非明制百一十戶為一里里有長十戶為一甲十甲為一保保有正副擇有才幹者為之優其禮遇俾率丁壯具兵技肄武藝以備非常遇有警相為救援鳴宵禁夜翔以防盜偷十家為一牌填註名籍生業輪流懸掛出入往來互相覺察一家有犯不舉發者連坐大率家統于甲甲属于社社隸于保此保甲之法也又有鄉約有老人賜以官帶凡鄉村爭訟者咸就質焉否則為越訴此鄉約之法也近於人烟湊集之處新設約正一人值月三四人每月望宣講法良意美莫善於此矣

論曰古者庠序學校之設非僅教士兼以教民也故

曰化民成俗必由乎學又曰小人學道則易使也猗

猗氏縣志

卷之一

四十

俗朴遯寡文人多任剛負氣然勤儉節義先王遺教

猶存則撫教養勸農講學所賴於司是土者良非

淺哉

文廟祀典續

雍正二年八月奉

旨增定文廟從祀先賢先儒復祀者六人林放蘧瑗秦冉顏

何鄭康成范甯增祀者二十人縣廩牧皮樂正子公都子

萬章公孫丑諸葛亮尹焯魏了翁黃榦陳淳何基王柏趙

復金履祥許謙陳澹羅欽順蔡清陸龍其又增從祀崇聖

祠一人張迪位居周氏之下程氏之上

祀典續

先農壇每歲春二月亥日致祭凡祭用猪一羊一爵三
鋤一籩四豆四簋四簋四祭畢行耕籍禮祭品即以
藉田所出麥粟備辦又有額設銀兩

關帝廟每歲春秋仲月 日致祭每祭 帝君殿用牛
一羊一籩十豆十棗一塩一膏魚一韭菹一菁菹一
黍一稷一稻一梁一帛一 啟聖三代祠每祭用豕
三羊三籩豆各八棗一栗一塩一膏魚一黍一梁一
稷一帛三又每歲五月十三日致祭帝君殿用牛一
豕一羊一帛一果品五 三代祠用豕一羊一帛三

果品五額設銀兩載田賦項下

忠義孝弟祠每歲春秋仲月致祭無額設銀兩

節孝祠每歲春秋仲月致祭無額設銀兩

猗氏縣志卷之一

祠祀

諸侯得祭封內山川禮也社稷壇壝而外凡有功德于民者則祀之非是不祭祭則瀆故為政者先成民而後致力于神其潔粢盛飾籩豆省牲灌鬯鼓瑟吹竽無非為民祈福如郇伯之肇封北平之戡亂生有陰雨之膏沒有奠安之績世世血食載諸祀典豈不宜哉若猗頓鄧禹其事雖無可攷然其來已久禋祀必非無因故並存之志祠祀

社稷壇

在城外西北

高三尺四出陛各三級右社左稷

猗氏縣志

卷之一

四十二

風雲雷雨山川壇

在城外西南

高三尺四出陛各三級中風

雲雷雨左山川右城隍

厲壇

在社稷壇旁

高三尺以城隍神位主之列無祀鬼神于

旁

三壇俱明洪武六年知縣岳大初建國朝康熙二年知縣楊乾晉更建屋宇按制壇而不屋繚以周垣

所謂壇也唯立神庫神厨宰牲房齋宿所則可耳

土地祠

一在縣治內一在學宮內

城隍廟

在縣治西廟門坊曰在勅封顯佑伯

八蜡廟

在東門外

郇伯廟

在縣治東北舊射圃地一在閔王廟北

祚德廟

在四大夫屯傳為趙武既立報樹已者智菴
厥程嬰公孫忤因立廟祀之後宋高曾

建云

猗頓廟 寮在村王

關王廟 俱在縣治東北各村

莊武王廟 左在北門內廟坊曰古壘三秋風

藥王廟 軍在莊武王廟後祠于廟內禱藥即應

已上祀先賢有功德于民者舊志尚載虞帝廟在智光

村禹王廟在初任文王廟在三里村令狐村王鑑村

晉文公廟在張岳鎮竊謂古密侯王公侯在上李村外應

祀恐瀆祀反以褻神也又高密侯廟在李村外樹

神道碑傳為漢高密侯圍安邑曾屯兵于峩峩門有神

猗氏縣志

卷之一

文昌廟 申在剌下任鎮東南明有撰碑

帝君閣 二在北門內生儒以

龍王廟 邑在射圃前聚奎池在涑河橋北

后土廟 行在西關坊曰汾陰

火星廟 詣在東關外患瘡疥者

已上按各志當為祀諸土神以時祈禱者舊志尚載泰

山廟在東關外南嶽廟在古縣口西嶽廟在李漢村陳

庄村真武廟在城北嶽亦非州縣又涑河橋北竊謂境

閣在南門內定祀四嶽亦非州縣又涑河橋北竊謂境

寺東南三官廟在王樓在閣北街口二郎廟在王村移山廟在

景村俱非祀

論曰聖王先成民而後致力于神即載在祀典者黷

祀時謂弗欽况可矯舉以媿非祀之鬼乎故壇壝蜡祭以奠方域大祈報也先賢廟祀以崇功德教忠敬也而李陽冰記縉雲城隍文猶謂既有社矣不應復有城隍狄仁傑大毀淫祠而程子猶謂所存子胥廟宜祀于吳不宜祀于越先儒之論祭義何其嚴哉夫惟嚴而後祭義專專則精誠足相通也爰自壇廟通祀而外擇近正者列之尊其可知而不敢傳會其所不可知至于寺觀有舊奉勅建傳為古蹟者附志之餘則不能盡詳亦陰寓崇闢之意也

祭嚴非鬼祀戒淫祠惟報德與酬功乃薦馨而告廟郇

猗氏縣志

卷之一

四十四

伯之陰膏未遠莊武之戡亂如生惠我人民宜歆俎豆

補

先農壇

在東關外正房三間廂房左右各一間大門一間壇一座藉田四畝九分雍正四年知縣宋之

樹奉
旨建置

關帝廟啓聖祠

在廟內東北隅雍正五年追封帝君三代曾祖為光昭公祖為裕昌公

父為成
忠公

猗氏縣志卷之一

橋梁

猗地平行無名山大川自峩峩坡下矚一平如掌至縣東南八里有涑水滌洄繚繞綫綫似衣帶九橋梁多邑中好義者共為之架石跨澗壞則復砌病涉之患庶其免矣

永濟橋 在城西門外

廣惠橋 在城東門外以上二橋俱于萬曆十九年大水漂毀知縣黃道見重修

利民橋 在城西南十五里崔家灣今廢

社村橋 在城南十里今廢

猗氏縣志

卷之一

涑水橋 在城東南八里西北行鹽要路萬曆三十一年巡按王公暨巡道詹公思虞創建石橋巡鹽曾

公舜漁紀碑橋有坊南曰虹橋永賴北曰萬里周行康熙四十年邑紳喬士容捐貲百金重修

香落橋 在城西十五年順治九年重修

原頭橋 邑令陶自悅康熙四十年倡建

論曰舟楫之利以濟不通古帝宜民之制至深遠也吾邑無洪波巨浸渡不容舟而淫霖暴漲冰澌沍寒行旅苦之橋梁成民不病涉矣昔人謂啟塞從時墮壞而治不可限以土工惠民者 加意焉

